



Inatsisartunut ilaasortaq
Pipaluk Olsen

**Meeqqamik napparsimatitsineq pillugu § 37, imm. 1 naapertorlugu apeqqummut
nr. 004/2026-mut akissut**

Brevdato: 04-03-2026
Sagsnr.: 2026-1387
Akt id. 26144323

Matumuuna § 37 naapertorlugu apeqqutit ataaniittut akissutaat nassiunneqarput. Apeqqutit akisussaaffeqarfiit assigiinngitsut akornannut tunngassuteqarmata, naalakkersuisoqarfinnit arlalinnit akissutissanik ataani allassimasunik pissarsiniartoqarsimavoq. Akissutit pissarsiarineqartut tulluuttuni allanneqarput, naalakkersuisoqarfinnimmi attuumassuteqartunit ilapittuutit attuumassuteqartut ataatsimoortunngortitsilluni akissuteqarnermi ataatsimoortunngortinneqarlutillu nalimmassarneqarput.

P. O. Box 1037
3900 Nuuk
Tel. (+299) 34 50 00
E-mail: oed@nanoq.gl
www.naalakkersuisut.gl

**1. Angajoqqaat qitornami napparsimasup angerlarsimaqatiginissaanut
periarfissaat pillugu massakkut malittarisassaasut Naalakkersuisut qanoq
nalilerpaat?**

Meeraq peqqinngitsillugu suliaartunnginnermut apeqqut ilaqutariippassuarnut unamminartutut misiginarsinnaanera, Naalakkersuisut paasilluarpaat. Meeraq nappaammik eqqorneqartillugu meeqqat isumaginninnissamut eqqissisimanissamullu pisariaqartitaasa suliffeqarfimmilu pisussaaffinnik isiginninniarnep akornanni akuttunngitsumik tatineqarnerit pilersarput.

Pisortani atorfeqartut meeqqap napparsimaneranut atatillugu, suliffigisami pissutsit pisinnaatippassuk, sulisut meeqqap napparsimanerani ullormi siullermi aningaasarsiaqarlutik sulinngiffeqarsinnaatitaaffeqarput. Aaqqissuussineq isumaqatigiissuteqarnermi immikkoortut akornanni assigiippoq, ersarissuunermullu naligiimmillu pinninnermut ilapittuisuulluni. Tamatuma saniatigut meeqqap napparsimavimmi uninngatinneqarnerani sulinngiffeqarnermut immikkut aalajangersagaqarpoq.

Malittarisassat atorneqarnerat pillugu aaqqissuussamik misissoqqissaakkanik pigisaqartoqanngilaq, ulluinnarnili eqaatsumik periuseqartoqartarpoq pisunilu aalajangersimasuni oqaloqatigiittoqartarluni.

**2. Meeraq suli napparsimagaluartooq meeqquerivimmukaaneqartillugu meeqqap
pisariaqartitai pillugit Naalakkersuisut qanoq isumaliuteqarpat?**

Apeqqutit akineqarnissaanut Meeqqanut, Inuusuttunut, Ilaqutariinnut, Nunamut Namminermut Naalakkersuisoqarfik ima paasititsivoq:

"Naalakkersuisut aallaavigissavaat, ulluunerani neqeroorummi sulineq tamarmi meeraq qitiutillugu ingerlanneqartassasoq aamma meeqqamut pitsaanerusussaq qulakkeerniarlugu (atugarissaarneq, ilikkariartorneq ineriartorneq). Tamanna Meeqqanut suli atualinngitsunut perorsaanikkut inerikkiartuutaasunik ulluunerani

neqeroorutit pillugit Inatsisartut Inatsisaanni nr. 62 § 1-imi aamma § 2, immikkoortumi 1-imi allassimavoq. Meeraq suli napparsimappat, meeqqamut pitsaanerusussap nalinginnaasumik tamatigut kingunerissavaa, meeraq meeqqerivimmiittariaqanngitsoq, meeqqap qanoq innera pissutigalugu tassaniinnissaa illersorneqarsinnaanngippat – aamma pingaartumik tuniluuttoqarnissanik navianaateqarpat. Tassani malittarisassaq aalajangersimasooq tassaavoq, meeqqat sulisullu tunillaassuuttumik nappaatillit tunillaanissaminnut ulorianaateqarsinnaasut ulluunerani neqerooruteqartarfinni tiguneqassanngitsut, tak. Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarnermi nappaatit tuniluuttut pakkersimaarniarlugit iliuusissat pillugit Namminersorlutik Oqartussat nalunaarutaat nr. 5, 13. april 2010-meersumi § 2, imm. 1-2 (kiisalu imm. 3-mi nalornisoqartillugu nunatsinni nakorsaanerup inissisimanera). Naalakkersuisut isumaliutersuutaat peqatigitillugu suliaqarfimmut pingaarnertut nakkutilliinerannut atassuteqassaaq, meeqqanut ulluunerani neqeroorutiniq tamanik nalinginnaasumik persorsaanikkullu nakkutilliisassalluni, tak Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62-imi § 41-42.”

3. Meeqqap peqqissinissaata tungaanut angerlarsimaqatiginissaanut angajoqqaq pisinnaatitaaffilerneqassagaluarpat tamanna aningaasatigut, allaftissornikkullu pisortanut qanoq kinguneqassava?

Angajoqqaat meeqqamik peqqinngitsumik angerlarsimaqateqarnissamut periaftissinneqaraluarpata pisortanut qanoq akeqassanersoq pillugu naatsorsuisoqarsimanngilaq.

Pisinnaatitaaffinnik annertusaasinnaaneq atitunerusumut ataqatigiissillugu nalilerneqartariaqassaaq, tassanilu ilaqutariit pisariaqartitaat suliffeqarnermilu ataatsimut aaqqissuineq isiginiarneqassapput. Ullumikkut pisinnaatitaaffiit taamaattut aallaavittut suliffeqarnermi illuatungeriit akornanni isumaqatiginninniarnerni aalajangersarneqartarput. Qitiusumillu malittarisassiorneq taamaalilluni inatsisit isumaqatiginninniartarnermilu aaqqissuussap maanna oqimaqatigiinnerini allannguinermik malitseqassaaq.

Erseqqissarneqartariaqarpoq, suliffeqarfiup pingaarnarpaatillugu ingerlatsinissaaq ukkatarisussaammagu, matumani aningaasaatit akisussaaffeqartumik atorineqarnissaat ilanngullugu. Suliffeqarnermi tamarmi immikkoortut akornanni ammasumik periuseqarneq, unammillersinnaaneq aamma naligiissitaaneq annikillisarniarnagu, qitiusumik malittarisassat aalajangiunneqarsimasut suliaqarfiit akornanni taamaammat teoriskiusumik eqqunneqartariaqassapput. Taamaattumik taama suliniuteqarnerup inuussutissarsiortunut sunniuteqarnissaa naatsorsuutigineqartariaqarpoq. Tamatuma saniatigut tamatumunnga aningaasartuutit matuneqartariaqarput, aamma ilimagineqartariaqarluni taakku akissarsiat katinernerit tiguneqassasut, taamaattumik akissarsiat, tapisiartaat ilanngunnagit, pillugit pitsanngorsaanerit annertoqataanik annikillineqarnissaat naatsorsuutigisariaqarpoq.

Apeqqut, aamma sioqqullugu qulaajaavigineqarnissamik piumasaqaateqarfiusoq tassaavoq, meeqqap napparsimanera aamma qaqugu meeraq meeqqerivimmukarnissaminut peqqissivissimanersoq kia nalilersussaneraa. Sulisumut, sivisuumik napparsimasumut, tamatigut peqqinnissaqarfimmi suliaqarfimmit nalilersuinissaaq aamma sulisinnaannginnermut nalunaaruteqarnissaaq

pisariaqartinneqakkajuttarpoq. Tamanna aamma meeqqamut atatillugu pisariaqartinneqartoq naatsorsuutigineqartariaqarpoq. Taamaalilluni peqqinnissaqarfik sulitineqarnerulissaaq.

Tamatuma saniatigut apeqqummut nr. 5-imut akissut takuuk.

4. Meeqquqerivinni, suliffeqarfinnilu tunillaassuunnermut massakkut malittarisassaasut sunniuteqarnerisut Naalakkersuisut qanoq nalilerpaat?

Apeqqutit akinissaanut Peqqissutsimut inunnuluni Innarlutilinnut Naalakkersuisoqarfik ima paasititsivoq:

"Nunatsinni Nakorsaaneqarfiup ilitsersuutaa "Meeqqat inuusuttullu akornanni nappaatit tuniluuttut" 2025-meersoq (1) malillugu pingaarnertut maleruagassaavoq, "Meeqqat sulisullu napparsimasut meeqquqerivimmiinnginnissaat meeqqallu tuniluuttumik nappaatillip tunillaassinnaajunnaaruni aatsaat meeqquqerivimmut utersinnaanera, pingaarnertut maleruagassaavoq." Nappaatit ilaat tuniluussinnaagaluit meeraq peqqippat meeqquqeriviliaanneqarsinnaavoq. Nappaatit matumani pineqartut tassaassinnaapput siutikkut maqisoorneq, kiinnakkut aniorneqarneq, assakkut isikkakkut qanikkullu pullaqisoqarneq, nuffasernermit siggukkut aseruuttoorneqalerneq, meeqqat qumaannik qumaqarneq, unngoqarneq assigisaallu.

Meeqqani napparsimaneq napparsimannginnerluunniit aalajangiivigiuminaassinnaasarpoq. Nunatsinni Nakorsaaneqarfiup ilitsersuutaa malillugu "meeraq kissarneqanngitsoq peqqissusaalu nalinginnaasumik sunnerneqanngitsoq, peqqissutut nalilerneqartarpoq. Meeraq sulisunit immikkut paaqqutarisariaqassanngilaq sammisassaqartitsinermilu peqataassinnaassalluni. Ass. meeraq aneeqataassinnaassaaq angalaariaqataassinnaassallunilu."

Maani nunami meeqqat napparsimasut qanoq annertutigisumik meeqquqerivinnukartartut pillugu naatsorsuisoqarsimanngilaq imaluunniit allatut piviusunik ilisimasaqartoqarani. Taamaattumik eqqornerusumik ilisimasaqarfiginngilarput qanoq tamanna tuniluunnermut sunniuteqartarnerisov.

Naalakkersuisut isumaqatigiissutit atuuttut, angajoqqaanik meeqqap angerlarsimaffimmi napparsimaffiani ulloq siullermi paarsisinnaatitsisut ataqqivaat. Suliffeqarnermit illuatungerit kissaatigippassuk meeqqap napparsimaffiani ullup aappasaanut aaqqissuussineq annertusineqassasoq, Naalakkersuisut tamanna eqqartussavaat.

Meeqquqerivinni tuniluunneq sorpassuarnit sunnertisimaneqartarpoq, matumani nalinginnaasumik eqqiluutsuutitsineq, inissaqarniarneq, illup iluani silaannaq aamma meeqqat akornanni silamiittarnerup annertussusaa. Pingaaruteqarpoq aamma, tassanngaannaq napparsimalernerit nalaanni tuniluuttoqarnerpaasartov aamma ilaanni, meerarluunniit sulit napparsimasutut misigilinnginneranit."

5. Meeqqat peqqissusaat, angajoqqaat suliffeqarnikkut inissisimanerat, meeqquqeriviillu ingerlatsinerat eqqarsaatigineqarlutik ataqatigiinnerusunik, eqaannerusunillu aaqqiissutinik pilersitsinissamut Naalakkersuisut suut periarfissaasoraat?

Aaqqissuussinerit meeqqap peqqissuunissaanut ilaqutariillu pisariaqartitaannut sapinngisamik annertunerpaamik ikorfartuillutillu, peqatigisaanik ingerlatsiviit

suliffeqarfiillu ingerlanneqarnerannut akisussaaffimmik tigusinermi qanoq
ilusilerneqarsinnaanerannik oqaloqatigiinnissaq Naalakkersuisut pitsaasuutippaat.

Suliffeqarnermi pissutsit aallaavittut suliffeqarnermi illuatungeriit akornanni suleqatigiillu
malittarisassiuunneqartarnissaat Naalakkersuisut tunngaviusumik isumaqarput,
tamannami aqqiissutinik ulluinnarni pisartunit aallaaveqartunik periarfissiisarmat,
suliaqarfinnilu assigiinngitsuni atugassarititat assigiinngitsut isiginiarneqartarlutik.

Suliaqarfiit suliffeqarfimmilu ataatsimi sulisut akornanni equsoornissaq
pinaveersimatinniarlugu, allannguinerit akimuisumik ingerlanneqarnissaat peqatigisaanik
piumaneqarneruvoq. Tamanna tunuliaqutaralugu Isumaqatigiissutinut
isumalioqatigiissitaq¹ 2022-mi innersuussutigaat, suliatigut peqatigiiffiit
isumaqatiginninniartarnermut ataatsimoorfiusunik pilersitsinissamut
suliniuteqaleqqullugit. Naalakkersuisut taama innersuussuteqarneq suli tapersersorpaat,
aamma taamaattumik nunami suliatigut peqatigiiffiit annerusumik
ataatsimoorfeqalernissaat pitsaasumik suli isigissallugu, taakku ataatsimoorussanik
isumaqatigiissuteqarnissaq aamma/imaluunniit isumaqatigiissutit pillugit
suliaqarsinnaammata.

6. Sammisamut soqutiginartunik allanik Naalakkersuisut paasisutissiisnaappat?

Meeqqap napparsimanerani sulisannginnermut apeqqut inunnut, peqqissutsimut
inuaqatigiillu aningaasaqarnerannut attuumanera, Naalakkersuisut akueraat. Tamanna
immikkoortuuvog ilaqutariippassuit ajortiasutut eqaatsuunissamillu pisariaqartitsinermik
misigiffigisartagaat.

Taamaammat meeqqap, ilaqutariit inuaqatigiillu ataatsimut isumalluutaat
eqqarsaatigalugit sinaakkutit qanoq ineriartortinneqarsinnaanerannik oqaloqatigiinnerit
nanginnissaannut Naalakkersuisut ammapput.

Naggataatigut naleqqutissaaq Attassiinnarnissamut Ineriartortitsinissamullu Pilersaarut
II-p aningaasarsiornikkut attassisinnaaneranut tunngatillugu ilungersunartut
qitiulluinnartut pillugit immikkoortut pingaernerit ilaanni tikkuarmagu, innuttaasut
amerlassusaannut ukiuisalu katitigaanerannut tunngatillugu innuttaasuni ineriartorneq
siunissami aningaasaqarnikkut illuutitigullu pilersaarusiornissamut qitiulluinnartuusoq.

Tassunga atatillugu erseqqissarneqarpoq, inuiaat katitigaanerisa ineriartorneranni
ilungersunartut pingaernerit naatsorsuutigineqartut ilagigaat kinguaassiorneq
annikilliarorusaartoq. Naatsorsueqqissaartarfiup kisitsisaataasa nutaanersat takutippaat
arnaq ataaseq agguaqatigiissillugu 1,75-inik meerartaartartoq, ungasinnerusorlu

¹ Isumaqatigiissutinut isumalioqatigiissitaq siulittaasoqarnikuuvog Naalakkersuisunit toqqakkamik, pingasunik
kommunit toqqakkanik ilaasortaarluni Namminersorlutillu Oqartussanit toqqakkanik pingasunik
ilaasortaarluni. Isumalioqatigiissitap pisortani isumaqatiginninniartarnermut aqqiissuussamik
aaqqiissuusseqqinneq oqaluuseraat. Isumalioqatigiissitap tunngavissiaani innersuutit 32-t uani takukkit:
https://naalakkersuisut.gl/Publikationer?types=&subjects=79e0adaf-65a8-41cf-b5cd-2f2eb15422c8&page=1&dates=2022&sc_lang=kl-GL

isigalugu innuttaasut amerlassusaasa taamaaginnartinnissaa qulakkeerniarlugu, arnap
ataatsip agguaqatigiissillugu 2,1-inik meerartaartarnissaaa pisariaqartoq
nalilerneqarsimasoq. Inuit amerlassusaanni kinguariarneq pissutsit assigiinngitsut
pissutigalugit kissaatiginanngilaq.

Inussiarnersumik inuulluaqqusillunga



Mute B. Egede